



Minggu, 28 Nopember 2021
Ogen: 2 Samuel 13: 12-20



Iiami (iperkosa)



Kamus Besar Bahasa Indonesia ngertiken kata diperkosa e me: ternoda, tercemar, terkotori, tercela, terhina, terluka, rusak, tercabuli, dirogol. Arah pengertin enda, tuhu-tuhu pemerkosaan sada perbahanen si meluat si la ngena ate. Pelin-pelin korban tuhu-tuhu kalak si iliami e. Ipaksa ia guna ngelakoken si la ngena atena. Ceda kerina si lit i bas dirina: perukureнна, dagingna, masa depanna, pengarapenna, rsd. Bage me pe si jadi nandangi Tamar i bas oratenta sendah enda. Tamar eme turang Absalom iliami Amnon senina Absalom pedauh nande (ay. 1). Ngena ate Amnon turangna e me si Tamar e, tapi sedarina labo mungkin man bana. E me dalanna maka cedaina turangna e.

Peristiwa si la ngena ate e jadi menaken i bas ayat 12, enggo me itulak Tamar pemindon Amnon e. Enggo tangkas turiken Tamar, adi sempat jadi la tanggung akapna melana nggeluh. E maka ipaksa Amnon si Tamar e maka iperkosana. Kenca si e nembeh ka atena ngenen Tamar e, ipedaratna ka arah kamarna alu paksa. Icaburi Tamar takalna alu abu, ngandung ia janahna lawes.

Diberu-diberu si jadi korban pelecehan seksual, nterem dampakna bas kegeluhenna. Sipemena lebe ia ngenanami troma si mbelin, perukurnna ceda, rasa ngenen i se pe lanai ia tek. E maka pengakapna kerna dirina pe lanai meherga. Ia jadi sekalak si minder (lanai percaya diri). Masa depanna pe ceda, sabab lit nge kalak si enggo iliami e ngendesken dirina kempak perbahanen perbahanen si seri ras si enggo ialokenna. Tole ka ia jadi *agen perusak*, sabab si bage nggo jadi man bana, maka la atena ia si sada si bage, korbankenna temanna, anakna, rsd. E maka terbeluh lah kita njaga dirinta ras njagai anak-anakta gelah ula turah ukur encedai temanna. Ndauhlah arah perbahanen si mahanca dirinta lanai meherga iadepen Dibata.